



Iah Thé:non ne Oién:kwara ne Ontario Kaianerénhsera 2005

Tsi Nahó:ten ne Kaianerénhsera Neniá:wen'ne tsi nenkwá ne Teiontatshnié:tha

Karihwakwe'ní:io

- Iah Thé:non ne Oién:kwara ne Ontario Kaianerénhsera enhatí:reke entewatáhsawen Onerahtokó:wa 31, 2006.
- Ki kaianerénhsera karihwáia'ks ne aiontshó:ko ne kahnó:ton kanónhskon tsi iakoiá'ténion tánon ne kahnó:ton kanonhskónhshon tsi nonwéhshon ne ón:kwe í:ien's ne Ontario, oh naiá:wen'ne aia-konónhstate ne iakoió'ténion tánon ne onkwehshón:'a tsi í:iens ne tóhsa aiakokarón:ni ne tekeníhaton oién:kwara.

Onkwehshón:'a, Tseia'tátshon, O'nikòn:ra Tehóntshnie Teiontatshnié:tha

Karihwáia'ks ne aiontshó:ko tsi nonwéhshon ne kahnó:ton onkwehshón:'a í:iens táni ne kahnó:ton iakoió'ténhstha, tsi nahó:ten wá:ton ne section9(1) ne Iah Thé:non ne Oién:kwara ne Ontario Kaianerénhsera. Ki kaianerénhsera Tsi Teiontatshnié:tha tetsá:ron ne iotahsé:ton ne kahnó:ton iakoió'ténhstha tánon ne kahnó:ton onkwehshón:'a í:iens.

Karihwáia'ks ó:ni akta ne tióhton (9) metre radius ne tsikahnokahrón:ton, iontaweia'tahkhwa ne tsi teiontatshnié:tha tsi ní:io tsi wathró:ris ne ne Onkwehsón:'a, Tseia'tátshon,táni O'nikón:ra Teiontatshnié:tha Kaianerénhsera.

Ísi' non, karihwáia'ks ne aiontenhni:non ne oién:kwa ki é:neken iotharáhkwen.

Ne tsi Teiontatshnié:tha enwá:ton eniakokwatákwa'se ne iakononhwáktani táni' ne iakoió'ténion ne iontshó:kwas, átste' wahskwáhere nienhón:ne ne aontshó:ko. Ki átste' wahskwáhere ó:nenk tsi enkaronhkwe'ná:rake tánon tewahsónhtake enioièn:take.

Ronateriweién:ni ne Tsi teiontatshnié:tha ne Ronténhnhá's:

Ratikwé:kon ne ronténhnhá's ó:nenk tsi:

- Orihwí:io enhonnón:ni ne iakoió'ténion, iakononhwáktani, tienatá:res, akwé iakoterién:tare tsi karihwáia'ks ne aiontshó:ko.
- E:ren shá:with ne ion'kenhriá:ktha táni ó:ia nahó:ten ne'eh aóntston.
- Orihwí:io són:ni tóhsa ónhka iontshó:ko tsi iakoió'te.
- Ónhka iáh taiehsere ne kaianerénhsera tsi ensehsheia'tínekenhwe.
- Sohá:ren ne wathró:ris Tóhsa Satshó:ko tsi iontaweia:tha, tsi tieiakénhstha, átste ieienhtákhwa tánon tsi nonwéhshon ne akwé:kon aiakotó:kenhse tsi karihwáia'ks ne aiontshó:ko. Tóka' íhsehere ne ahsóhá:ren ne wathró:ris, aesathontá:ton iasheiatke'tóthahs ne tsi senákere ata'karitáhtshera otióhkwa.

Rononkwehón:we enwá:ton á:ionste ne oién:kwa tóka' ne teká:neren tsi niakorihó:ten tánon akawehtahkwahtshera

Tóka' enieri'wanón:ton ne Onkwehón:we tho ie:teron ó:nenk tsi ne iakohtentiá:ton enienaktó:ten kanónhs-kon tsi nón:we enwá:ton á:ionste ne oién:kwa tóka' ne teká:neren tsi niakorihó:ten ne Onkwehón:we tánon akawehtahkwahtshera.

Enkaianerenhserá:reke

Tsi senákere ata'karitahtshera otióhkwa enhontken'sé:seke tánon enhatiri'wíhsake ne onhka aierihwatshén:ri thé:non, oh naiá:wen'ne akaianerenhserá:reke.

Kahnhíhtshera

Iáh ne'eh tekatokénhston to ní:kon enhokaraiènta'ne ne Rotentiá:ton. Ne 'eh تنهاia'tó:rehte ne niiorihwa'saha'ashón:'a rarihwènhttha. Ne tseia'tátshon tsi niió:re ne \$5,000 enwá:ton eniakokaraièn:ta'ne

Ki Kahiatónhsera ne khok ka'nikonhraientáhtha. Tóka' íhsehre ísi' non aesató:kenhse, aesathontá:ton iahsheiatken'se ne tsi senákere ata'karitáhtshera otióhkwa.

Ken' ó:ni enwá:ton enhsatewennáta, iah teioká:raien:

- **INFOLine** 1-866-396-1760
- **TTY** 1-800-387-5559

Tsi nikahá:wi kahnhotónkwen: Awententa'ón'ke – Ronwaia'tanentaktónhne, 8:30am. -5:00pm.

Ne ísi' non aesató:kenhse ne Iah Thé:non ne Oién:kwara ne Ontario Kaianerénhsera, aesathontá:ton ken' sátken's ne Ministry ne Health Promotion tsi tewa'á:raton:

http://www.mph.gov.on.ca/english/health/smoke_free/legislation.asp.

Onerahtokó:wa 2006